

вѣда вся согрѣшения своя отцу духовному, и скрыся во гробѣ. Соборне же пѣша над нимъ нагробная пѣния. И внезапно¹² умрѣ во гробѣ Шилъ,¹³ и по семъ треснув, разседеся помость церковный, и зиювши¹⁴ земли пожре его, и к тому не обретеса гробъ пред ними, и бысть ту пропасть и¹⁵ велия бездна.¹⁶ Святитель же Иоаннъ прииде на освящение (л. 272 об.) церкви, и виде страшное оно чюдо,¹⁷ и повелѣ иконописцемъ над пропастью на стѣпахъ написат в подобии образъ Шиловъ. Самъ же от страха и ужаса велия отиде в дом святаго Софїи. Церковь же новосозданную неосвященну повелѣ запечатати, дондеже благоизволит богъ ино чюдо сотворити. Сынъ же Шиловъ плачяся и велии рыдая припаде к ногама святаго и рече: «Святителю великій, помози лишению отца моего, и что ми повелиши, то¹⁸ и¹⁹ сотворю». Архиепископъ же повеле ему чытыредесятъ дней в посте и в молитве пребывати. Еце же заповѣда ему у чытыредесяти церквей сиященникомъ и причетникомъ сорокоустие раздати довольно. Да в те чытыредесят (л. 273) дней на всякъ день по 40 папахидъ и литургий по отцѣ его заповѣдавъ пѣти неизмѣнно, и на распутяхъ нищихъ никого повелѣ минути. К симъ же и всякаго чина алчныхъ кормити, жадныхъ поити, нагихъ одевати, и поелику возможно и монастыри препитовати. «И тако, чюдо, всю чытыредесятъ дней устройвъ, паки прииди к нашему смиренію и возвѣсти о всемъ». Сынъ же Шиловъ по повелѣнію святаго повеле сорокоустие скоро раздати и литургии умоливъ иереевъ совершати лишения ради отца своего, тако же и милостыню довольно нищимъ подаеше.²⁰ И совершивъ всю чытыредесятъ дней елико заповѣда ему святитель и паки прииде к нему и возвѣсти (л. 273 об.) ему вся елико сотворил отца ради своего. Архиепископъ же посла своего архидїякона видети в церкви Шиловы пропасти. Архидїакон же видѣ²¹ в церковь тую и видѣвъ гроба Шилова из пропасти подвешена²² немного, и паки запечатавъ церковь и отиде ко архиепископу и возвѣсти ему тос великое чюдо. Архиепископъ же повелѣ еще Шилову сыну в посте и²³ молитве пребывати и сотворити²⁴ другую чытыредесятницу, и тако сотворивъ, приити повеле²⁵ к себе и возвестити о всемъ. Сынъ же Шиловъ по повеленію его повеле паки сорокоустие раздати и литургии совершати лишения ради отца своего, такожде и милостыню довольно нищимъ повелѣ (л. 274) даяти и совершивъ всю чытыредесятницу,²⁶ елико заповѣда ему святитель, и по совершении чытыредесяти дней прииде паки ко архиепископу и возвестив ему вся. Архиепископъ же паки посла того же архидїякона да видит Шилову пропасть. Архидїакон же в церковь прииде и видѣвъ того гроба на верху половину, и прииде, возвѣсти архиепископу сие. Архиепископъ же призвавъ Шилова сына и повелѣ ему трети чытыредесятницу сотворити сугубицею, и церквамъ божїимъ имѣние неоскудно подавати²⁷ и нищихъ по премногу питати. А самому в те дни²⁸

12-18 по гробѣ. Шилъ умрѣ.	14 зиювши.	15 нет.	16 без дна.	17 дѣло.
18 та.	19 да.	20 подаяти.	21 прииде.	22 подвешена.
24 доб.: еще.	25 нет.	26 чытыредесятъ дней	27 преподавали.	28 доб.: ему.